


ध्याऽ 1 **सुट्टना ते फड़ना**






साढ़ी पैह्ली मोटर क्रिया सुट्टना ऐ, एह् बाह्में, मूंढें ते धड़ (सिरै ते बाह्में गी छोड़ियै शरीर दे उप्परले हिस्से) दी मदाद कन्नै कीती जंदी ऐ। हालां-के, हत्थें दा इस्तेमाल कुसै चीजै गी छोड़ने ते पकड़ने आस्तै बी कीता जंदा ऐ।

आओ किश दिलचस्प खेढें राहें सुट्टना ते पकड़ना सिक्खचै।







गेंद गी उंगलियां फलाइयै मजबूती कन्नै पकड़ो ते गोड्डें गी थोह्ड़ा झकाइयै खड़ोओ।

इक गैं अग्गें बधाओं ते अपने आप गी संतुलत करो । डगमगाओं नेईं। गेंद्र सुट्टने आह्ले हत्थ गी पिच्छें घमाओ ते उप्परले शरीरै गी मरोड़ो ।

हत्थ गी अग्गें आह्न्नो ते गेंद गी जोरै कन्नै सुट्टी देओ।

शिक्षक आस्तै नोट

जिस<mark>लै ञ्याणे सुट्टने दा</mark> भ्यास करदे न उसलै हेठ दित्ते गेदे गी जकीनी बनाना चाहिदा —

- 1. पकड़: <mark>ञ्याणे उंगलियें</mark> गी फलाइयै गेंद गी मजबूती कन्नै पकड़दे न।
- 2. स्टांस: खढारी दियां अक्खां लक्ष पर टिकी दियां न, पैर इक स्थिर संतुलन बनाने आस्तै फैले दे न ते गोड्डे थोहड़े झुके दे न।
- 3. छंडना: उप्परले शरीर गी मरोड़ने दी क्रिया नरमी कन्नै होंदी ऐ, गेंद छंडने आह्ली बांह् गी बापस लेई जंदी ऐ ते गेंद गी सुट्टने आस्तै बांह् गी अग्गें घमांदी ऐ।
- 4. फालो थ्रू: खढारी छंडने दे परैंत्त इक गैं अग्गें बधदा ऐ ते अपने शरीर गी संतुलत करदा ऐ।
- <mark>5. सुट्टने आस्तै साफ्ट गेंदें दा इस्तेमाल करो ते</mark> गतिविधियें दे औख दे स्तर गी लगातार बधाओ।



शिक्षक आस्तै नोट

ञ्याणे दे पकड़ने दे भ्यास दे दरान हेठ दित्ते गेदे बिंदुएं गी ध्यान च रक्खो -

- 1. स्टांस: पैर मूंढे दे बराबर खुल्ले दे होङन ते गोड्डे थ्होड़े झूके दे।
- 2. पकड़ना: शरीर गेंदै दी दिशा च हेठ होग, दमैं तलियां जुड़ी दिया<mark>ं ते उप्परली भेठा दा खुल्ली दियां</mark> होङन । हत्थ लचीले होङन ते नजरां पूरी चाल्ली गेंद पर टिकी दियां होङन ।
- 3. फालो थ्रू: गोड्डे थ्होड़े जनेह् मुड़ङन ते गेंद दे प्रभाव गी घट्ट करने आस्तै अंदर आह्ली भेठा खिच्चेआ जाहुग ।
- 4. पकड़ने आस्तै साफ्ट गेंदें दा इस्तेमाल करो ते <mark>गृतिविधियें दी औख दे स्तर गी लगातार बधाओ।</mark>

पकड़ना ते सुट्टना

जरूरी समग्गरी

बक्ख-बक्ख अकारें दियां गेंदां


कि'यां खेढना ऐ


गेंद गी छोड़े बगैर छंडना ते पकड़ना मजेदार होंदा ऐ। इक सैह्पाठी दे कन्नै जोड़ी बनाओ ते ख'ल्ल दस्से गेदे बक्ख-बक्ख किसमें दे थ्रो ते कैच करने दा भ्यास करो:





इक हत्थ दा इस्तेमाल करियै ओवरहेड थ्रो करो।





गेंद गी इक उछाल कन्ने अपने साथी गी पास करो।

गेंद गी ख'ल्ल सुट्टे बगैर जिन्नी बारी संभव होई सकै इक दुए आह्ली बक्खी छंडो ते पकड़ो।



शिक्षक आस्तै नोट



उद्देश

हत्थें ते अक्खें दे तालमेल दे कन्नै-कन्नै छंडने ते . पकड़ने दी समर्था विकसत करना।

बन्न-सबन्नतां

- जोड़ें दे बिच्चा दी दूरी बधाओ।
- छंडने आह्ली वस्तुएं गी बदलो ते उ'नेगी छंडने आस्तै हत्थें गी बी बदलदे र'वो ।

सर्कल समां स्टार विश

चुक्को ते छंडो

जरूरी समग्गरी

पराना अखबार मार्किंग पाउडर

कि'यां खेढना ऐ

- दो टीमां बनाओ ते इक कोर्ट बनाओ जेह्दे च इक केंदर रेखा ते खेढ
 आस्तै दो बराबर हिस्से होन।
- कागज दियां गेंदां बनाओ ते उ'नेंगी कोर्ट दे हर इक हिस्से च बराबर रूपा कन्नै तितर-बितर करी देओ।
- सीटी दे झटके पर बरोधियें दे पक्ख च गेंद सुट्टना शुरू करो।
- जिसलै सीटी परतियै बजदी ऐ तां रुको।
- जिस टीम दी बक्खी घट्ट गेंदां होंदियां न, ओह जित्ती जंदी ऐ।



शिक्षक आस्तै नोट



उद्देश

चुक्कने ते छंडने दी क्षमता ते बधाए गेदे मोटर कौशल गी विकसत करना।

बन्न-सबन्नतां

- हर दौर दे बाद अपनी बांह बदलो।
- ओवरहेड ते अंडरआर्म छंड गी बदलदे र'वो।

सर्कल समां

शरीरक सट्ट दी पंछान कि'यां कीती जा, मसाल आस्तै, गतिविधि च बेचैनी, जखम ते नील पौना, चीरा लग्गना, तेज पीड़ बगैरा।



लक्ष गी भेदो

जरूरी समग्गरी

चाक साक्स गेंद जां साफ्ट स्पंज गेंद

कि'यां खेढना ऐ

- पं'जें सदस्यें दियां टीमां बनाओ। साफ्ट स्पंज जां जराबें कन्नै बनी दियां गेंदां लैओ।
- कंधै पर इक गोलधारा ते ओहदे शा किश दुरी पर इक लकीर बनाओ।
- टीम दा हर इक खढारी गेंद गी गोलधारे दे अंदर सुट्टने दी कोशश करग।
- गोलधारे च सभनें शा मती बारी गेंद सुट्टने आहुली टीम जित्ती जंदी ऐ।
- निश्चत करो जे छंडदे होई खेढ-खेत्तर च खिच्ची गेदी लकीरै गी पार नेईं करो ।



शिक्षक आस्तै नोट



उद्देश भेदने, संतुलन बनाने ते शरीरक स्वास्थ च सटीकता विकसित करना।

बन्न-सबन्नतां

- औख दे स्तर गी बधाने लेई कंध थमां दुरी बधाओ।
- जमीन पर एक घेरा कय वही खेर खेर रें।

सर्कल समां

छंडने दे तरीकें पर चर्चा करो, जिंदे च अच्छा स्टांस, पकड, छोड़ना ते ध्यान केंद्रत करना शामल ऐ।


कोन दस्तक


जरूरी समग्गरी

साफ्ट बाल कोन जां उपलब्ध स्थानी समग्गरी

कि'यां खेढना ऐ

- क्लासै च विद्यार्थियें दी गिनतरी दे अधार उप्पर टीम बनाओ।
- केंदुर च विशम सैंख्या दे कोन रक्खो ते दो बरोधी टीमां इसदे बराबर दुरी पर खड़ोई जान।
- सीटी दे झटके पर खेल शुरू करो— कोनएं गी साफ्ट बालें कन्नै मारो।
- जेहुड़ी टीम इक निश्चत समें दी अवधि दे अंदर मते कोनएं गी खटखटांदी ऐ ओह इस खेढै च जित्त हासल करदी ऐ।





बन्न-सबन्नतां

- छंडने लेई कमजोर हत्थ दा इस्तेमाल करो।
- कोनएं गी क्रिकेट स्टंप कन्ने बदलो ते खेढो।

सर्कल समां खेढै दे बारे च इक शैल ते इक माड़ी भावना सांझा करो।

रिले कैचिंग

जरूरी समग्गरी


साफ्ट बाल जां टेनिस बाल

कि'यां खेढना ऐ

- हर इक टीम च इक नामत नेता दे कन्नै पञ्ज सदस्यें आह्लियां केईं टीमां बनाओ। सदस्य इक कतार च खड़ोंदे दे न ते उं'दा नेता टीम दे सामनै किश दूरी पर खड़ोंदा ऐ।
- सीटी बजाने पर, टीम दे सारे नेता गेंद गी कतार च खड़ोते दे पैह्ले खढारी दे कोल सुट्टी दिंदे न।
- पैह्ला खढारी गेंद्र गी पकड़ग, नेता गी बापस करग ते कतार दे खीरा तगर दौड़ग ते रुकी जाहुग।
- नेता गेंद गी अगले खढारी कोल सुट्टी दिंदा ऐ ते खेढ जारी रौंह्दी ऐ।
- सभनें दी बारी पूरी होने दे परैंत, बद्धोबद्ध कैच लैने आहली टीम खेढ जित्तदी ऐ।









उद्देश संज्ञानात्मक पैह्लुएं, तालमेल, तत्परता ते उत्सुकता गी बधाना

बन्न-सबन्नतां

- दूरी बदलो ते खेलो।
- नेता बदलो। खेढ खेढने लेई अंडरआर्म जां ओवरहैंड थ्रो दा इस्तेमाल करो।

सर्कल समां स्टार ते विश

ध्यान च रक्खना चाहिदा

T

बीएम 6


गेंदु परकं

जरूरी समग्गरी

हैंडबाल जां टेनिस बाल

कि'यां खेढना ऐ

- दो टीमां बनाओ ते कतार च खड़ोओ।
- टीम दा हर इक सदस्य गेंद गी कंधै पर छंडदा ऐ ते इसगी परतौने पर फड़दा ऐ।
- बद्धोबद्ध कैच लैने आह्ली टीम जित्ती जंदी ऐ।



च अगला खढारी गेंद पकड़दा ऐ।